



Txhawb cov me nyuam muaj kev lwj siab thiab xav tau kev txhawb tus cwj pwm coj nyob hauv kev kawm ntawv tshwj xeeb: Cov kev txhawb qhia tus cwj pwm coj zoo

(Supporting Children with Mental Health and Behavioral Needs in Special Education: Positive Intervention Plans - Hmong translation)

Cov me nyuam uas coj tau cov cwj pwm coj tsis haum nyob hauv tsev kawm ntawv yuav muaj qhov kawm tsis tau ntawv zoo.

Tseem fwv txoj cai yeej hais kom pab neeg npaj kev kawm ntawv tus kheej rau cov me nyuam uas tau kev kawm ntawv tshwj xeeb yuav tsum xam xyuas siv cov kev txhawb kom muaj tus cwj pwm coj zoo, cov tswv yim thiab cov kev txhawb los pab cov me nyuam coj tus cwj pwm coj tsis haum. Vim tus cwj pwm coj feem ntau yog ua los qhia tawm qhov tsis tau raws li xav, li no pab neeg npaj kev kawm thiaj yuav tsum mob siab los txheeb xyuas seb yog vim li cas thiaj muaj tus cwj pwm coj no tawm los, thiab dab tsi thiaj yuav pab kom txhob coj li ntawd. Qhov yuav tshawb pom li no yog los ntawm txoj kev ntsuam xyuas thiab tig xyuas cov ntaub ntawv teev cia thiaj li yuav muab tau kev txiav txim siab zoo tias yuav txhawb tau tus me nyuam li cas los kawm kom tau cov tswv yim coj tus cwj pwm zoo mus.

Pab neeg npaj kev kawm yuav ua tau dab tsi los pab kuv tus me nyuam?

Thawj kauj ruam rau pab neeg npaj kev kawm yog los muab cov ntaub ntawv hais txog koj tus me nyuam coj los saib kom sawv daws to taub zoo tias yog vim li cas tus cwj pwm no thiaj tshwm sim los, tshwm sim rau thaum twg, thiab tus me nyuam siv tus cwj pwm coj los ua kom tau dab tsi tiag. Kev txheeb xyuas tus cwj wpm coj (FBA) yog siv los muab cov lus hais txog tej no (xav paub ntxiv, mus saib cov kev pab cuam nyob phab 2). Kev txheeb xyuas tus cwj pwm coj yuav yog ib feem ntawm qhov pib ntsuam xyuas, qhov ntsuam xyuas dua los yog ib qhov txheeb xyuas twg nkaus nkaus xwb. Niam txiv los yog tus saib xyuas yeej tseem hais tau kom muaj kev ntsuam xyuas thoob plaws thaum twg los tau los muab cov lus hais txog tus me nyuam. Yuav tsum muaj kev tso cai los ntawm niam txiv rau kev txheeb xyuas los yog kev ntsuam xyuas.

Rau cov me nyuam muaj kev lwj siab, cov niam txiv yuav tsum xav seb txoj kev lwj siab no cuam tshuam tus me nyuam tus cwj pwm coj li cas thiab xyuas seb puas yog ib qho tseem ceeb yuav tau muab coj los qhia rau pab neeg npaj kev kawm. Pab neeg npaj kev kawm tseem yuav tsum xam xyuas cov lus niam txiv qhia tawm cov lus hais los ntawm cov muaj kev pab txog kev lwj siab los pab tsim txoj kev pab los txhawb kom tau tus me nyuam tiag.

Ntxiv mus, pab neeg npaj kev kawm yuav tsun xam xyuas tias yuav muab cov hau kev tawg thiaj li raug, pab tau, qhia tau los txhawb tus me nyuam qhov xav tau ua tsis tau, nrog rau:

- Ntxiv los yog tig xyuas cov hom phiaj qhia cov tswv yim coj zoo, cov tswv yim tshwj tus kheej tau los yog thoob tswv yim pab tus kheej
- Ntxiv los yog tig xyuas cov kev pab txhawb los yog cov kev hloov kho los pab txo tus cwj pwm coj tsis haum los yog qhov ua kom muaj kev lwj siab
- Tsim kom muaj txoj kev npaj los txhawb qhia tus cwj pwm coj zoo (BIP)
- Txheeb xyuas seb puas tsim nyog muaj ib txoj kev npaj los daws lub tsam thawj kub ntxhov (saib cov kev pab cuam nyob rau phab 2 los qhia ntxiv)

Kev txhawb qhia tus cwj pwm coj zoo (BIP) yog dab tsi?

Ib txoj kev txhawb qhia tus cwj pwm coj zoo yog txoj kev cob qhia sau ua ntaub ntawv zias los ua ib feem ntawm tus me nyuam tsab IEP, thiab txhua tus ua hauj lwm nrog tus me nyuam nyob hauv qhov chaw kawm ntawv yuav tsum ua raws li tau teev cia. Txoj kev npaj no muaj cov tswv yim los qhia cov tswv yim tshiab thiab cob tus me nyuam los xyaum kom txawj coj los pab txo los yog tiv thaiv cov cwj pwm coj tsis haum. Lub hom phiaj ntawm txoj kev npaj txhawb qhia tus cwj pwm coj zoo yog pab tus me nyuam hloov tus cwj pwm coj raws li txoj kev qhia coj thiab kev txhawb, thiab txo cov kws qhia ntawv thiab lwm tus ua hauj lwm nrog tus me nyuam txoj kev qhuab qhia thaum muaj ces mam li qhia.

Txoj kev npaj los txhawb no hu ua txoj kev npaj txhawb qhia tus cwj pwm coj zoo thiab kuj tseem hu tau tias yog txoj kev tuav tus cwj pwm coj los yog txoj kev txhawb tus cwj pwm coj.

Kev npaj txhawb qhia tus cwj pwm coj zoo no yuav tsum muaj dab tsi nrog?

Kev npaj txhawb qhia tus cwj pwm coj zoo yuav tsum npaj tshwj xeeb zias thiab npaj rau ib tug me nyuam nkaus nkaus xwb thiab yuav tsum muaj:

- Kev qhia tawm txog ib tug cwj pwm coj (ntau neeg, hais tsis teb, khiav, lwm yam)
- Thaum twg kev txhawb qhia tau pib thiab yuav qhia ntau npaum li cas
- Cov tswv yim qhia cov kev coj tshiab los hloov cov cwj pwm coj tsis haum
- Txoj hau kev los txheeb xyuas qhov txhawb tau zoo los ntawm txoj kev txhawb qhia no
- Kev xyaum cov tswv yim kom tus me nyuam to taub cov tswv yim txhawb cov cwj pwm coj zoo ntau ntxiv
- Kev txhawb los pab tus me nyuam xyaum cov tswv yim tshiab los coj nyob hauv ntau qhov chaw kawm
- Cov kev hloov qhov chaw kawm los txo los yog txiav cov cwj pwm coj tsis zoo kom txhob muaj ntxiv
- Ib txoj kev npaj los daws tus cwj pwm coj kub ntxhov

Cov niam txiv yog cov tseem ceeb heev

Cov niam txiv muaj cov lus paub txog lawv tus me nyuam thiab tus me nyuam cov cwj pwm coj uas muaj cuab kav pab tau pab neeg npaj tsab IEP kom to taub zoo ntxiv txog qhov yuav pab tau tus cwj pwm coj. Cov niam txiv yuav tsum faj tias cov cwj pwm coj tsis haum yuav muaj tsawg zuj zus los yog yuav txo tau cov cwj pwm coj tsis haum thaum cov kev txhawb qhia muaj tshwm sim nyob hauv txhua qhov chaw, nrog rau hauv tsev, thiab nyob hauv zej zog. Qhov ua hauj lwm ua ke nrog pab neeg npaj kev kawm txog txoj kev txhawb tus cwj pwm coj zoo yuav yog qhov zoo rau koj tus me nyuam.

PACER cov kev pab cuam ntxiv:

- “Txhawb cov me nyuam muaj kev lwj siab thiab xav tau kev txhawb tus cwj pwm coj nyob hauv kev kawm ntawv tshwj xeeb: Cov kev npaj rau thaum kub ntxhov” yog daim ntawv qhia tawm nyob ntawm [PACER.org/parent/php/PHP-c291b-h.pdf](https://www.pacer.org/parent/php/PHP-c291b-h.pdf)
- “Kev txheeb xyuas tus cwj pwm coj yog dab tsis thiab ho siv li cas?. Ib qho hais tawm me ntsis rau cov niam txiv” yog daim ntawv qhia tawm nyob ntawm [PACER.org/parent/php/php-c215a-h.pdf](https://www.pacer.org/parent/php/php-c215a-h.pdf)
- “Qhov piv txwv ntawm cov tswv yim txhawb qhia cov cwj pwm coj zoo” yog ib daim ntawv qhia tawm nyob ntawm [PACER.org/parent/php/php-c215b-h.pdf](https://www.pacer.org/parent/php/php-c215b-h.pdf)